

Mes p'téts maigaisîns

- **Tchie l' Bruno** des sùlaies : maigaisîn fremè le 26 mars 1986 èt lai crôgiere tîaind èl ât môe en 1994 è 74 ans. È vendait des sùlaies Diana.
- **Tchie lai Didi** : fremè le 1er août 2012.
Lai Didi aivô le Roger son hanne aint tni le maigaisîn 60 ans d'temps djeuqu'en 2009.
- **Tchie Butty en Laidjoux** : Ès sont airrivès d'Lai Tchâd-de Fonds en 1993, aint aitchetè le maigaisîn èt pe lai blantch'rie. Ès sont aidé li, fidèyes â pochte.

Po ècmencie, i veus vôs raicontaie ènne hichtoire que ç'ât péssè en lai vèlle.

Le p'tét véye

Dous hannes d'affaires r'chiquant ïn maigaisîn qu'ès v'niant d'aitch'taie.

Ès s'sont sietès po pare ïn cafelat.

È n'y é inco ran chu les tâbiattes.

Le Nèhti dit en ci Julien :

— I t'fais sèrdgeint que dains quéques minutes è y é quéqu'un que veut v'ni beûyie èt pe d'maindaie ç'qu'an vend ci-d'dains.

È n'aivait p' fini de djâsaie, qu'ènne véye dgens, bîn courieûse, bote son nèz en lai f'nétre èt pe d'mainde :

— Qu'ât-ce que vôs vendèz per-ci ?

Le Julien yi répond en rujôlant :

— An vend des pertus di tiu !

Sains piedre de temps, note véye yi répond :

— I vois qu'çoli n'mairtche pe trap mâ, è n'vôs en dmoére que dous !